

qvæst. 2. pag. 192. ex his ipsis Pauli & Petri dictis probat, putidissimam esse assertionem eorum, qvi dicunt, ita Deum excœcāre Judæos, Turcas & Gentiles, ut, licet velint, non tamen possint Christum cognoscere.

## *Thesis V.*

Deinde sententiam nostram probant dicta, qvæ omnia peccata sangvine Christi expiari posse afferunt, è qvibus unicum nunc adduxisse sufficiat ex 1. Joh. I. v. 7. qvod dictum *D. Joh. Olearius* in dissertatione ante aliquot annos hīc Lipsiæ habita explicans thes. 19. observat, sangvinem Christi non solum à peccatis, qvibus nondum induratio accessit, homines emundare, sed etiam à peccatis cum induratione conjunctis. Ac ne qvis excipiat, qvod forte tantum de induratione, quam aliqui partialem & inchoatam vocant, locutus fuerit, in eadem thesi docet, quod sangvis Christi non solum à peccato in filium hominis, sed etiam à peccato in Spiritum sanctum emundet. Hoc enim peccatum irremissibile esse dicit, non ob defectum sanguinis emundatorii, sed ob malitiosum affectum peccatorum hujusmodi, qui sanguinem Christi profanum ducunt. In culpa est, inquit, pes Christum finaliter conculcans, cuius vice manus fideliter applicans requirebatur. Concedit ergo, non deesse peccatoribus in Spiritum sanctum manum Dei offerentem, sed ex parte talium hominum deesse manum fideliter applicantem, cuius vice pedem adhibent, quo Christi sanguinem conculcant. Unde ex Olearii sententia dici non potest, quod peccatores in Spiritum sanctum ob terminum peremptorium ante fata fixum & jam elapsum

con-